



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU BOSS-BOSANSKE STRANKE –MIRNES AJANOVIĆ

Broj: 03-07-6-495/17
Sarajevo, 11.09.2018. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja BOSS-Bosanske stranke-Mirnes Ajanović za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je BOSS-Bosanska stranka-Mirnes Ajanović prekršila odredbe člana 8. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja BOSS-Bosanske stranke-Mirnes Ajanović za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, BOSS-Bosanska stranka-Mirnes Ajanović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	149.422,80	98,93
8.	Prihodi od propagande (3-g)	0,00	0,00
I	Ukupni prihodi (1-8)	149.422,80	98,93
II	Ostali prihodi i drugo	1.610,20	1,07
	Izvori finansiranja (I+II)	151.032,96	100,00

U godišnjem finansijskom izvještaju za 2016. godinu BOSS-Bosanska stranka-Mirnes Ajanović iskazala je rashode u iznosu od 164.868,23 KM.

2. PREDSTAVLJANJE POLITIČKE STRANKE

Naziv političke stranke je BOSS-Bosanska stranka-Mirnes Ajanović. Skraćeni naziv je BOSS.

Politička stranka je registrovana kod Višeg suda u Tuzli, rješenjem broj: R-I-18/94 od 09.05.1994. godine, pod nazivom: Bosanski omladinski savez „BOSS“ Tuzla.

Rješenjem Kantonalnog suda u Tuzli od 24.05.2002. godine i rješenjem Općinskog suda u Tuzli, broj: 032-O-Reg-06-000792 od 08.05.2006. godine, upisana je promjena naziva stranke, tako da novi naziv glasi: BOSS-Bosanska stranka-Mirnes Ajanović.

Sjedište političke stranke je u Tuzli, Kojšino 7.

Ovlašteno lice za zastupanje stranke je Mirnes Ajanović, predsjednik.

Lice ovlašteno za podnošenje finansijskih izvještaja za 2016. godinu je Nedžad Zonić.

Prema podacima iz godišnjeg finansijskog izvještaja za 2016. godinu, BOSS-Bosanska stranka-Mirnes Ajanović ima sljedeću organizacionu strukturu:

- Glavni odbor i
- Regionalni odbor Sarajevo.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BOSS-Bosanske stranke-Mirnes Ajanović za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskog izvještaja BOSS-Bosanske stranke-Mirnes Ajanović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava i troškova kampanje.

4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja BOSS-Bosanske stranke - Mirnes Ajanović u periodu od 2004. do 2015. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2015. godinu, izdat je izvještaj o pregledu sa mišljenjem revizora, nalazima i preporukama stranci da finansijska sredstva obezbijedena za finansiranje stranke koristi u skladu sa utvrđenim programom utroška sredstava i da preispita vjerodostojnost i ispravnost računa na osnovu kojih vrši isplate sredstava, imajući u vidu da su sredstva iz budžeta izdvojena za finansiranje političke stranke isključivo za ostvarivanje ciljeva utvrđenih programom i statutom stranke.

5. NALAZI I PREPORUKE

5.1. NALAZI

a) BOSS-Bosanska stranka-Mirnes Ajanović prekršila je odredbe člana 8. stav (1) Zakona o finansiranju političkih stranaka.

Na osnovu izvršenog pregleda godišnjeg finansijskog izvještaja za 2016. godinu i dodatne finansijske dokumentacije, utvrđeno je da je BOSS-Bosanska stranka-Mirnes Ajanović ostvarila prihod od Općine Novi Grad Sarajevo u iznosu od 585,00 KM, čime je prekršila odredbe člana 8. stav (1) Zakona o finansiranju političkih stranaka.

Kontrolom poslovnih knjiga i uvidom u Zapisnik komisije za inventuru od 31.01.2017. godine, utvrđeno je da je BOSS-Bosanska stranka-Mirnes Ajanović izvršila otpis obaveze tokom 2016. godine prema Općini Novi Grad Sarajevo u iznosu od 585,00 KM.

Uvidom u račun Općine Novi Grad Sarajevo-Služba za zajedničke poslove broj: 5/08 od 02.10.2008. godine, utvrđeno je da je isti ispostavljen političkoj stranci na ime korištenja sale MMC Općine Novi Grad Sarajevo na dan 25.09.2008. godine.

b) Pregledom godišnjeg finansijskog izvještaja za 2016.godinu, utvrđeno je da je BOSS-Bosanska stranka-Mirnes Ajanović prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da BOSS-Bosanska stranka-Mirnes Ajanović nije pravilno evidentirala rashode i finansijski izvještaj nije podnijela u formi koju je propisala Centralna izborna komisija Bosne i Hercegovine, čime je prekršila odredbu odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- Služba za reviziju je utvrdila da je BOSS-Bosanska stranka-Mirnes Ajanović u obrascu 4.1 (režijsko-administrativni i ostali troškovi), režijsko-administrativne i ostale troškove odnosno ukupne rashode iskazala je u većem iznosu za 1.500,00 KM, što je suprotno odredbama člana 21. i člana 22. Pravilnika o godišnjim finansijskim izvještajima političkih stranaka- u daljnjem tekstu: Pravilnik.

Kontrolom iskazanih troškova na obrascu 4.1 finansijskog izvještaja, utvrđeno je da je stranka iskazala troškove takse za izbore u iznosu od 5.995,00 KM. Kako su stranci vraćena sredstva takse u iznosu od 1.500,00 KM, stranka je troškove takse za izbore ostvarila u iznosu od 4.495,00 KM, a ne u iznosu od 5.995,00 KM, koliko je iskazala na pomenutom obrascu.

- BOSS-Bosanska stranka-Mirnes Ajanović nije u obrascu 1-1 (teritorijalna organizacija političke stranke) iskazala sve niže organizacione odbore stranke, čime je prekršila odredbe člana 10. Pravilnika.
Uvidom u obrazac 3-f (prihodi iz budžeta) godišnjeg finansijskog izvještaja, utvrđeno je da je stranka osim Glavnog odbora stranke u Tuzli i Regionalnog odbora u Sarajevu ostvarila prihode iz budžeta od Općine Gračanica i Općine Travnik, odnosno nije iskazala organizacione dijelove u Gračanici i Travniku.

c) Bez kvalifikovanja revizijskog mišljenja, skrećemo pažnju na troškove zakupa motornih vozila.

Kontrolom podataka za troškove iz obrazaca finansijskog izvještaja BOSS-Bosanske stranke-Mirnes Ajanović za 2016. godinu, utvrđeno je da je stranka vršila nabavku usluga po cijenama koje su nerealno visoke u odnosu na tržišne ili fer cijene.

Tako je stranka zaključila sa četiri fizička lice ugovore o zakupu putničkih motornih vozila i isplatila naknade koje se u iznosima drastično razlikuju, iako su predmet zakupa vozila istih ili sličnih karakteristika.

- Sa zakupodavcima vozila iz Sarajeva, Harisom Plehom i Rasimom Smajićem, ugovorena je mjesečna zakupnina u iznosu po 1.500,00 KM, pa je stranka svakom od njih isplatila iznos od 18.000,00 KM, odnosno 36.000,00 KM ukupno za oba zakupodavca.
- Sa zakupodavcima vozila iz Tuzle, Muamerom Dedićem i Nedžadom Zonićem, ugovorena je zakupnina u iznosu 800,00 KM mjesečno, pa je godišnju zakupninu stranka isplatila svakom od navedenih lica u iznosu od 9.600,00 KM, odnosno ukupnom u neto iznosu od 19.200,00 KM.

Troškovi predizborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM¹ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije Bosne i Hercegovine, BOSS-Bosanska stranka-Mirnes Ajanović je u svrhu izborne kampanje mogla da potroši 255.974,00 KM.

BOSS-Bosanska stranka-Mirnes Ajanović je u godišnjem finansijskom izvještaju za 2016. godinu iskazala troškove kampanje u iznosu od 12.460,77 KM.²

5.2. PREPORUKE

Preporučuje se BOSS-Bosanskoj stranci-Mirnes Ajanović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da ne prima donacije koje su zakonom zabranjene,*
- *da vodi poslovne knjige i podnosi finansijske izvještaje na način koji je utvrđen zakonom i drugim propisima u skladu sa zakonom i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, BOSS-Bosanska stranka-Mirnes Ajanović nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić

¹ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

² Stranka je u postizbornom finansijskom izvještaju iskazala troškove kampanje u iznosu od 12.360,77 KM.